

盤
洲
文
集

三

新平知

PDG

盤洲文集卷第八

盤洲雜韻上

盤洲

曲曲盤洲徑蒼崖路幾層翠微深處坐閒話正留僧

雙溪

清溪夾桃逕玉洞萬株春爲有雙溪悞漁人休問津

日涉門

小圃固日涉柴門常自閑此心無一事應共白雲閒

索笑亭

虎谿當日事此處可留蹤相逢索一笑何必話中峯

綠萼梅

香濃逾粉質，碧膩素娥粧。若使羊郎見，仙姿應並芳。

鴛鴦梅

疎枝分異蕊，孤幹列鴛鴦。應知爲贈遠，異樣綴清裝。

紅梅

綻玉聞欺雪，含章妬絳紗。不同桃李種，粲煞赤城霞。

臘梅

籬菊初殘後，疎香忽傲霜。一枝衝臘綻，紫萼列金房。

黃梅

未結金丸果，先吐黃芽花。却悞林和靖，翻疑姚氏家。

金華芝徑

金華豈受塵三秀已通神不競銅池瑞逢蘭肯卜鄰

種秫倉

種秫無多子猶勝避俗翁盡將供釀具不復用書田

芝泉

美瑞山祇管幽泉地脉通漱甘冰慰齒短綆走溪童

草塘

茸茸春草茁碧水浦方塘入夢無佳句看雲憶對床

魚臺

掩關塵俗子裂網禁畦丁臺下魚相賀溪邊人獨醒

允橋

橋橫桑下澗，望處極西郊。
有客同飛蓋，何人伴結茅。

泛杯巖

酒進盧^盧花隨翡翠盤，巖邊多怪石。
巖下有奔湍。

九曲

風輕杯蕩漾，岸曲水逶迤。
遇坎亦可喜，倒行羞接籬。

樓亭

乞得并閭葉，都將當屋^苑青。
青^青夸藥^申，可怕杜陵嘲。

一詠亭

有水足浮醴，寧拘秋與春。
共將詩擬古，不必語驚人。

小垂手 九曲二石

醉袖起如舞翩然三島仙約君爲石友伴我傲林泉

醒酒石

平泉醒酒石以水沃之有林木自然之狀

名高牛氏品地接燕兒窠有客圖沉醉翻嫌石是魔

墨沼

鑿地肖風輪洗雲吞月扇敗墨起緇塵山陰勞北面

旣醉亭

酒半興方濃鉅空壘弗耻更看一籌輸各盡三觥醉

溪簾

雨過溪添綠橫瀾自在流水精簾欲捲何處着銀鈎

可止亭

循除泉漱石，改席酒分船。到此須知止，行前將墜淵。

鵝池

路轉左畫方，水來斜中矩。不解寫黃庭，倚筇看白羽。

流瀑

高坡勢建瓴，觸石驚濤沸。入耳轉聲清，廬峽參差是。

蒼苔澗

夾澗榮蒼苔，倚竹顏如玉。溪魚大上時，臨流香可掬。

菊澁

夕英色衰落，小摘尚盈襟。錯會離騷意，元無滿地金。

末利菊

化工將末利改作壽潭花
零露團佳色鵝黃自一家
雙溪堂

溪光搖四壁瓦影落中流
洗耳百聞寂清心千慮休
犧齋

隨波堪泛宅因壑遂藏舟
坐穩無維楫任他風打頭
雲葉 雙溪四石

支機何代石風截秋雲根
一葉下人境坐令臺榭尊
嘯風巖

於菟嘯空山萬竅寒風出
隄防飛將軍漢箭有神物

蜂房

石是蜂窠變蜂來有處藏不須開戶牖薜荔爲穿房

磬磯

有竿不見綸無綸焉用餌終日坐釣磯旁人笑兒戲

問柳橋

濡毫求露柱墮履望奇書閣評緣溪柳新條可拂裾

鳳柳

春情百尺牽午影三眠過脩眉漫成顰細腰誰類我

荻岸

岸蓼花如糝殘霞照晚汀不教資翹蘤留得隱鷓鴣

碧蘆步

津頭晚風急歌倒一叢蘆直鴈逢清泚飛來作畫圖

西汧

春馮西汧窻夏卧西汧榻待月最宜秋採梅還度臘

扁舟

非厭人間事不携西子游聊將去越意指此作扁舟

飛蘆

浮家今得計舉棹疾於飛一笑兒童舞芳蓮當妓圍

采蓮舟

聖得三峯藕剗爲一瓣蓮著身猶不穩何用濟長川

彩鷁

興來飛畫舸汎汎水中鳬綠鋏移歌扇紅鮮迓酒壺

飯牛亭

冬耕春復犂麥秀禾方插少放牧兒休莫教牛力乏

西疇

代耕荒幼學投老樂歸田鹵莽人之罪豐凶勿怨天

土湖

波濤送客帆松竹圍僧舍野趣望中來西湖當減價

石街

竹弟石兄出
玉川子詩

一丘封竹弟萬石盛金昆收拾甲乙品莊嚴可款門

有竹軒

前身豈汲直枉尺天所難賢哉耐久朋結盟同歲寒

斑竹

帝子登湘岸臨風粉淚彈梨花多少雨點點透琅玕

紫竹

拾青容色混著紫籠光偏幽逕留風月行多履易穿

方竹

體方如就矩幹直匪從繩杖有削園厄提携先摸稜

人面竹

怪竒存相法妍醜出天真此君無二貌正是葛天民

貓頭竹

穹枝迴鳳尾，健筍迸貓頭。安得真致此，勿爲羣鼠羞。

慈竹

義居傳九世，瑞物記三荆。何似同根竹，春風一死生。

笛竹

蘄產名天下，含颺別樣青。中郎如一見，應不數柯亭。

箭竹

美箭東南出，成林地不慳。禽胡如有將，寄與定天山。

洗心閣

殲霞吞沆瀣，一吸千頃湖。默坐更深省，心塵今有無。

橘友亭

倚楹歌橘頌巡園款甘林更待商山老於斯朋盍簪

繡橘

右皇權植物奴婢徧江干繡蹙一林橘高擎黃玉團

脆橙

謂橘不盈握勝橙顚進皮香塵難共搗蔗莫蟹螯持

金橘

道州著

朱襦千里變金彈一分增入口蜜相避懷歸誰不能

羅甘

羅包肌理細霜顆輔車香封殖貴瀕水踰淮非我鄉

常棣徑

已廢蓼莪篇難荒常棣徑步履不思歸共看花弄影

花信亭

時時風報信處處雨催粧大賚一年景均輸萬斛香

牡丹

綺席偏宜晝香霞獨占春洛陽荆棘久誰是惜花人

芍藥

名標溱洧贈根自廣陵分所欠盤盂玉黃樓儘不羣

丹桂

無癖不譽兒有詩非責子丹桂幾枝芳對之空潁泚

瑞香

紫苞楊柳葉奇絕錦熏籠香氣闐襟袖清尊爲汝空

白山茶

亦曰玉茗

自讀文成賦經營巧作難浩翁真溢美何似鶴頭丹

白榴

耻上舞裙帶願依九琳璫韶顏今換骨阿措便心降

末利

膚瑩過凝脂香濃遠隨步應有看花人入園心見妬

素馨

繁盛閩南粵潛藏霜雪天素雲生寶髻賸馥借龍涎

含笑

自有嫣然態風前欲笑人
涓涓朝泣露盎盎夜生春

木犀

逋客敢欺桂秋巖曾遣風
古香吹一再如到廣寒宮

文官花

破白便懷青紆朱旋著紫
鼎鼎一春忙浮榮均夢蟻

聚八仙

圓整裝花禁周遭列飲仙
瓊英難上僭簇蝶不同年

袞繡毬

流蘇團小蝶伯仲聚仙花
袞繡名非是瑤琨未足誇